

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 232618 23 St
Zenica, 09.09.2024. godine

Općinski sud u Zenici, stečajni sudija Amela Sinanović, odlučujući po prijedlogu za provođenje stečajnog postupka nad stečajnim dužnikom dužnikom Proizvodno-trgovinsko i uslužno društvo „DAR PRIRODE“ d.o.o. Zenica, ul. Maršala Tita broj 17, Zenica, nakon održanog ročišta dana 22.05.2024. godine, u prisustvu likvidatora Tošanović Vitomira i punomoćnika povjerioca Porezna uprava FBiH, Kantonalni porezni ured Zenica, Federalni zavod PIO/MIO, Kantonalna administrativna služba Zenica, Grad Zenica, a u odsustvu uredno obaviještenih povjerilaca MF Banka a.d. Banja Luka i Javno preduzeće „Vodovod i kanalizacija“ d.o.o. Zenica, dana 09.09.2024. godine, donio je sljedeće:

R J E Š E N J E

Otvara se i zaključuje stečajni postupak nad imovinom stečajnog dužnika Proizvodno-trgovinsko i uslužno društvo „DAR PRIRODE“ d.o.o. Zenica, ul. Maršala Tita broj 17, matični broj subjekta upisa 43-01-0581-12 (stari broj 1-1975), zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-01-0581-12 (stari broj 1-1975), a po pravomoćnosti ovoga rješenja.

O b r a z l o ž e n j e

Predlagač Proizvodno-trgovinsko i uslužno društvo „DAR PRIRODE“ d.o.o. Zenica je dana 25.04.2022.godine ovom sudu podnio prijedlog za otvaranje likvidacionog postupka. Rješenjem ovog suda broj 43 0 L 211910 22 L od 30.08.2022. godine otvoren je likvidacioni postupak likvidacionog postupka nad navedenim društvom.

Na ročištu za zaključenje likvidacionog postupka održanom dana 20.06.2023. godine utvrđeno je da su temeljem člana 9. stav 2. Zakona o likvidacionom postupku ispunjene pretpostavke za provođenje stečajnog postupka jer društvo ne raspolaže sa imovinom, iz koje bi se mogla namiriti prijavljena potraživanja, zbog čega je likvidator Tošanović Vitomir predložio da se provede stečajni postupak.

Na ročištu za ispitivanje uvjeta za otvaranje stečajnog postupka održanom dana 22.05.2024.godine, likvidator je izjavio da je ukupna vrijednost imovine prema Bilansu stanja od 31.12.2021. godine iznosila je 645,00 KM. Od toga na novac i novčani ekvivalenti se odnosi iznos od 91,00 KM i na poziciju akontacija poreza na dobit iznos od 554,00 KM. Iznos od 91,00 KM je utrošen na ime vođenja transakcijskog računa pri poslovnoj banci ovog društva, a da stavka akontacije na porez na dobit zakonski i računovodstveno, kao i u praksi, nema koordinate povrata iz razloga što se Rješenje o akontaciji Porezne uprave donosi na osnovu završnog računa kod prethodne godine u IV mjesecu koji predstavlja sliku projektovane dobiti za proteklu godinu, što u praksi znači da je to nula. U postupku likvidacije iskazani su troškovi u minimalnom iznosu od 656,00 KM koji se odnose na: 100,00 KM na taksu za prijavu za likvidaciju, 2,50 KM troškove plaćanja preko banaka ili pošte,

minimalno 2x oglašavanje po 30,00 KM i 2,50 KM troškove plaćanja u banci ili pošti. Najveća stavka troškova u postupku likvidacije odnosi se na nagradu i troškove likvidatora u iznosu od 400,00 KM. U postupku likvidacije priznate su sve prijave potraživanja Kantonalnog poreznog ureda Zenica u iznosu od 5.309,92 KM, Federalni zavod PIO/MIO, Kantonalna administrativna služba Zenica, u iznosu od 677,60 KM, MF BANKA a.d. Banja Luka u iznosu od 105.324,55 KM, Grad Zenica u iznosu od 5.306,90 KM i u iznosu od 60,00 KM i JP „Vodovod i kanalizacija“ d.o.o. Zenica u iznosu od 348,98 KM, u ukupnom iznosu od 117.027,55 KM, izuzev prijave Željezara „Zenica“ d.o.o. Zenica u stečaju. Ističe da platežna nesposobnost društva u stvarnosti traje duže od dvije godine, a društvo ne samo da nema poslovnih aktivnosti duže od 60 dana, već nije u stanju izmirivati ni obaveze prema vjerovnicima, zbog čega je mišljenja da su ispunjeni uvjeti o pokretanju stečajnog postupka, ali obzirom da stečajni dužnik ne posjeduje bilo kakvu imovinu iz koje bi se mogli izmiriti troškovi stečajnog postupka, predlaže da sud pozove povjerioce i zainteresovana lica da predujme iznos od 3.000,00 KM, te ukoliko isti predujme navedeni iznos da se otvori stečajni postupak, a u protivnom da sud donese Rješenje kojim se otvara i zaključuje stečajni postupak i društvo briše iz sudskog registra.

Kako iz Izvještaja likvidatora i dostavljene dokumentacije uz izvještaj, kao i pojašnjenja na održanom ročištu, proizlazi da društvo, iako postoje stečajni razlozi, nema imovine iz koje bi se namirili troškovi stečajnog postupka, te kako niko od zainteresiranih lica - povjerilaca, a po pozivu suda objavljenom u Sl.novinama FBiH br 43/24 od 12.06.2024. godine, nije predujmio novčana sredstava u iznosu od 3.000,00 KM, na ime troškova za vođenja stečajnog postupka, odlučeno je kao u dispozitivu ovoga rješenja, u skladu sa odredbom člana 102. st. 7. i 8. , te odredbom člana 204. stav 5. Zakona o stečaju („Službene novine F BiH“, broj: 53/21).

Slijedom naprijed navedenih odredbi Zakona o stečaju, sud je riješio kao u dispozitivu ovog rješenja.

PRAVNA POUKA:

Protiv ovog rješenja dopuštena je žalba Kantonalnom sudu Zenica u roku od 8 dana od dana dostave rješenja, a putem ovog suda.

Stečajni sudija
Amela Sinanović, s.r.